



Na osnovu člana 24. stav (3) Zakona o državnoj službi u Federaciji Bosne i Hercegovine ("Službene novine Federacije BiH", broj: 29/03, 23/04, 39/04, 54/04, 67/05, 8/06 i 4/12), člana 1. Zakona o preuzimanju Zakona o državnoj službi u Federaciji Bosne i Hercegovine („Službene novine Srednjobosanskog kantona/Kantona Središnja Bosna”, broj 7/11) i člana 5. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine ("Službene novine Federacije BiH", broj: 13/19), a na zahtjev Ministarstva prostornog uređenja, građenja, zaštite okoliša, povratka i stambenih poslova Srednjobosanskog kantona/Kantona Središnja Bosna, Agencija za državnu službu Federacije Bosne i Hercegovine, objavljuje

JAVNI KONKURS

za popunu radnih mjesta državnih službenika u Ministarstvu prostornog uređenja, građenja, zaštite okoliša, povratka i stambenih poslova Srednjobosanskog kantona/Kantona Središnja Bosna

5 / 799

Radna mjesta:

- 01. Inspektor za zaštitu okoliša – 1 (jedan) izvršitelj**
- 02. Stručni suradnik za javnu nabavu – 1 (jedan) izvršitelj**

01. Opis poslova: poduzima inspeksijske radnje na utvrđivanju stanja izvršavanja propisa zaštite okoliša i drugih propisa kod subjekata nadzora tj. pravnih i drugih osoba i građana koji su u obavljanju svoje djelatnosti i radu dužni postupati prema tim propisima; određuju upravne mjere radi sprječavanja i otklanjanja nezakonitosti u izvršavanju tih propisa; izvršava rješenja kojima je inspektor naložio upravne mjere radi otklanjanja nepravilnosti u radu operatora; vrši nadzor nad izvršavanjem obveza koje se operatoru pogona i postrojenja u granicama kantonalne nadležnosti propisuju okolišnom dozvolom koju izdaje Ministarstvo; vrši nadzor nad provođenjem obveza izrade Planova aktivnosti i pribavljanja okolišne dozvole za postojeće pogone i postrojenja; postupa po inicijativama građana i ostalih zainteresiranih subjekata za vršenje inspeksijskog nadzora; vrši unapređivanje trenda suradnje i koordinacije sa drugim nadležnim inspekcijama kako na kantonalnoj, tako na lokalnoj i federalnoj razini, uz favoriziranje mogućeg zajedničkog inspeksijskog nadzora gdje je moguće u cilju efikasnije zaštite okoliša; vrši stručni nadzor i kontrolu rada inspektora za zaštitu okoliša u primjeni kantonalnih propisa zaštite okoliša; vrši izradu planova inspeksijskog nadzora i izvještava o stanju izvršavanja propisa u oblasti zaštite okoliša; obavlja i druge poslove po odluci ili nalogu ministra i rukovoditelja organizacijske jedinice.

02. Opis poslova: vrši stručnu obradu sistemskih rješenja značajnih za oblast javne nabave; izrada analitičkih, informativnih i drugih materijala u okviru propisane metodologije vezanih uz javne nabave, izvršenja plana javnih nabava, ugovora i okvirnih sporazuma za potrebe rada ministarstva i učinke javnih nabava; praćenje i poduzimanje aktivnosti za pravodobnu realizaciju plana nabave i praćenja izvršenja ugovora i okvirnih sporazuma; praćenje i istraživanje promjena i pojava u području javnih nabava i izrada potrebne dokumentacije vezanih za potrebe ministarstva za nabavkom roba, usluga i radova iz središnje i specifične javne nabave; obavlja poslove narudžbe sa odabranim ponuditeljima i realizacije okvirnih sporazuma, te prati isporuku i pravilnost isporučenih faktura; prikuplja i

sređuje dokumentaciju, vezano za plaćanje faktura i evidenciju izdatih narudžbenica; obrađuje podatke i vodi evidencije prema metodološkim i drugim uputstvima u području javnih nabava; koordinira i radi sukladno sa propisanom metodologijom na pripremi tenderske dokumentacije; vrši analizu tržišta i ponuda na tržištu roba, usluga i radova; pribavlja stručna mišljenja i surađuje sa Uredom za javne nabave.

Kandidati moraju ispunjavati opće uvjete iz člana 25. Zakona o državnoj službi u Federaciji Bosne i Hercegovine:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uvjet za njihovo obavljanje u organima državne službe u Federaciji Bosne i Hercegovine;
4. da je zdravstveno sposoban/a za vršenje određenih poslova predviđenih za to radno mjesto;
5. da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;
6. da nije obuhvaćeno odredbom člana IX.1. Ustava Bosne i Hercegovine.

Pored općih uvjeta navedenih u javnom konkursu, kandidati moraju ispunjavati i sljedeće posebne uvjete:

Radno mjesto 01:

- VSS-VII/1 stupanj stručne spreme – kemijski fakultet, kemijsko tehnološki fakultet, fakultet zaštite okoliša, veterinarski fakultet, odnosno završen najmanje drugi ciklus diplomskog univerzitetskog studija, Bolonjskog sustava studiranja koji se vrednuje s najmanje 300 ECTS bodova kemijske, kemijsko tehnološke, zaštite okoliša i veterinarske struke,
- Najmanje 5 (pet) godina radnog staža u struci nakon sticanja visoke stručne spreme, odnosno visokog obrazovanja
- poznavanje rada na računaru,

Radno mjesto 02:

- VSS-VII/1 stupanj stručne spreme, završen ekonomski fakultet, odnosno završen najmanje prvi ciklus preddiplomskog univerzitetskog studija, Bolonjskog sustava studiranja, ekonomske struke koji se vrednuje sa najmanje 180 ECTS bodova ili završen prvi ciklus stručnog studija na visokoj školi ekonomske struke (u trajanju od najmanje tri godine) sa stečenih 180 ECTS bodova,
- najmanje 1 (jedna) godina radnog staža u struci nakon sticanja visoke stručne spreme, odnosno visokog obrazovanja,
- poznavanje rada na računaru.

Prijavljivanje - potrebni dokumenti:

1. Kandidati se prijavljuju na konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Zeničko-dobojski i Srednjobosanski kanton, ili na web stranici Agencije www.adsfbih.gov.ba).

2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne sprema, u skladu sa uslovima iz konkursa (original ili ovjerenu kopiju), na propisanom Obrascu uvjerenja (može se preuzeti u prostorijama Odjeljenja Agencije za Zeničko-dobojski i Srednjobosanski kanton ili na web stranici Agencije www.adsfbih.gov.ba).
3. Kandidati, za stručnog suradnika (pozicija 02.), koji obavljaju poslove namještenika u organu državne službe i koji su stekli visoku stručnu spremu, dužni su uz prijavu na javni konkurs dostaviti sljedeću dokumentaciju (original ili ovjerene kopije):
 - a) fakultetsku diplomu (nostrificirana diploma, ukoliko fakultet nije završen u Bosni i Hercegovini ili je diploma stečena u nekoj od država nastaloj raspadom SFRJ nakon 06.04.1992. godine),
 - b) dokaz da su zaposleni u organu državne službe kao namještenici i dokaz o pet godina radnog iskustva u organima državne službe nakon položenog stručnog ispita za namještenike, izdati nakon objave javnog konkursa,
 - c) dokaz o položenom stručnom ispitu za namještenike.

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, www.adsfbih.gov.ba. Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavijestiti o vremenu i načinu dostavljanja dokaza o ispunjavanju uvjeta javnog konkursa. Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritetno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave u „Službenim novinama Federacije BiH”, neovisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

Agencija za državnu službu Federacije BiH
Odjeljenje Agencije za Zeničko-dobojski i Srednjobosanski kanton
Kučukovići br. 2, 72000 Zenica
sa naznakom:

“Javni konkurs za popunu radnih mjesta državnih službenika u
Ministarstvu prostornog uređenja, građenja, zaštite okoliša, povratka i stambenih
poslova Srednjobosanskog kantona/Kantona Središnja Bosna
sa pozivom na broj: 5/799“

DIREKTOR

Refik Begić, magistar uprave